



# **UNDANG-UNDANG NEGERI KEDAH DARUL AMAN**

**Enakmen 23**

**ENAKMEN LEMBAGA ZAKAT KEDAH DARUL AMAN 2015**



NEGERI KEDAH DARUL AMAN

# Warta Kerajaan

DITERBITKAN DENGAN KUASA

*GOVERNMENT OF KEDAH DARUL AMAN GAZETTE*

*PUBLISHED BY AUTHORITY*

---

Jil. 58  
No. 25

**17hb Disember 2015**

*TAMBAHAN No. 15  
PERUNDANGAN*

---

**K. P.U. 32.**

ENAKMEN LEMBAGA ZAKAT KEDAH DARUL AMAN 2015

PENETAPAN TARikh PERMULAAN KUAT KUASA

PADA menjalankan kuasa yang diberikan oleh subseksyen 1(2) Enakmen Lembaga Zakat Kedah Darul Aman 2015, Kebawah Duli Yang Maha Mulia Sultan menetapkan 31 Disember 2015 sebagai tarikh Enakmen itu mula berkuat kuasa.

Bertarikh 31 Disember 2015  
[Bil.(30) ZAKAT 60/70 Jld. 6]

YANG TERAMAT MULIA  
DATO' SERI DIRAJA TAN SRI TUNKU SALLEHUDDIN  
IBNI ALMARHUM SULTAN BADLISHAH,  
S.H.M.S., S.S.D.K., P.S.M., D.S.D.K., P.A.T., B.C.K., K.P.K.  
(*Tunku Temenggong Kedah*)  
Ahli Jemaah Pemangku Sultan Kedah  
merangkap Pengerusi

YANG TERAMAT MULIA  
DATO' SERI DIRAJA TAN SRI  
TUNKU ABDUL HAMID THANI  
IBNI ALMARHUM SULTAN BADLISHAH,  
S.H.M.S., S.S.D.K., P.S.M., D.S.D.K.  
(*Tunku Laksamana Kedah*)  
*Ahli Jemaah Pemangku Sultan Kedah*

YANG TERAMAT MULIA  
DATO' SERI DIRAJA TAN SRI TUNKU PUTERI  
INTAN SAFINAZ BINTI TUANKU ABDUL HALIM  
MU'ADZAM SHAH,  
D.K.H., D.K.Y.R., S.H.M.S., S.S.D.K., P.S.M., P.A.T., J.P.,  
Hon. Ph.D (UUM), Hon. Ph.D (KUIN)  
(*Tunku Panglima Besar Kedah*)  
*Ahli Jemaah Pemangku Sultan Kedah*

LEMBAGA ZAKAT KEDAH DARUL AMAN ENACTMENT 2015

APPOINTMENT OF DATE OF COMING INTO OPERATION

In exercise of the powers conferred by subsection 1(2) of the Lembaga Zakat Kedah Darul Aman Enactment 2015, His Royal Highness the Sultan appoint 31 December 2015 as the date on which the Enactment comes into operation.

Dated 31 December 2015  
[Bil.(30) ZAKAT 60/70 Jld. 6]

YANG TERAMAT MULIA  
DATO' SERI DIRAJA TAN SRI TUNKU SALLEHUDDIN  
IBNI ALMARHUM SULTAN BADLISHAH,  
S.H.M.S., S.S.D.K., P.S.M., D.S.D.K., P.A.T., B.C.K., K.P.K.  
(*Tunku Temenggong Kedah*)  
*A Member of The Council of Regency  
cum Chairman*

---

YANG TERAMAT MULIA  
DATO' SERI DIRAJA TAN SRI  
TUNKU ABDUL HAMID THANI  
IBNI ALMARHUM SULTAN BADLISHAH,  
S.H.M.S., S.S.D.K., P.S.M., D.S.D.K.  
(*Tunku Laksamana Kedah*)  
*A Member of The Council of Regency*

YANG TERAMAT MULIA  
DATO' SERI DIRAJA TAN SRI TUNKU PUTERI  
INTAN SAFINAZ BINTI TUANKU ABDUL HALIM  
MU'ADZAM SHAH,  
D.K.H., D.K.Y.R., S.H.M.S., S.S.D.K., P.S.M., P.A.T., J.P.,  
Hon. Ph.D (UUM)., Hon. Ph.D (KUIN)  
(*Tunku Panglima Besar Kedah*)  
*A Member of The Council of Regency*



NEGERI KEDAH DARUL AMAN

# Warta Kerajaan

DITERBITKAN DENGAN KUASA

*GOVERNMENT OF KEDAH DARUL AMAN GAZETTE*

*PUBLISHED BY AUTHORITY*

---

Jil. 58  
No. 25

**3hb Disember 2015**

TAMBAHAN No. 5  
ENAKMEN

---

Enakmen ini yang diluluskan di dalam Dewan Undangan Negeri Kedah Darul Aman pada 20 Ogos 2015 diisytharkan untuk pengetahuan am:

The following Enactment passed in the Kedah Darul Aman State Legislative Assembly, on the 20 August 2015 is published for general information:

No.

Tajuk Ringkas/Short Title

Enakmen 23

Enakmen Lembaga Zakat Kedah Darul Aman 2015  
Lembaga Zakat Kedah Darul Aman Enactment 2015



# **UNDANG-UNDANG NEGERI KEDAH DARUL AMAN**

**Enakmen 23**

**ENAKMEN LEMBAGA ZAKAT KEDAH DARUL AMAN 2015**

Tarikh Persetujuan DiRaja ... ... ... 25 November 2015

Tarikh diterbitkan dalam *Warta* ... ... 3 Disember 2015

**UNDANG-UNDANG NEGERI KEDAH DARUL AMAN****Enakmen 23****ENAKMEN LEMBAGA ZAKAT KEDAH DARUL AMAN 2015**

---

**SUSUNAN SEKSYEN**

---

**BAHAGIAN I****PERMULAAN**

Seksyen

1. Tajuk ringkas dan permulaan kuat kuasa
2. Tafsiran
3. Memelihara hak Kebawah Duli Yang Maha Mulia Sultan

**BAHAGIAN II****PENUBUHAN LEMBAGA ZAKAT NEGERI KEDAH DARUL AMAN**

4. Penubuhan Lembaga Zakat Negeri Kedah Darul Aman
5. Identiti di sisi undang-undang
6. Keahlian Lembaga
7. Setiausaha
8. Penamatan dan pembatalan jawatan ahli Lembaga
9. Mesyuarat
10. Mempengerusikan mesyuarat
11. Kuorum
12. Keputusan mesyuarat
13. Minit
14. Tatacara mesyuarat

## Seksyen

15. Lembaga boleh mengundang orang lain untuk menghadiri mesyuarat
16. Penzahiran kepentingan
17. Ahli hendaklah menumpukan masa kepada urusan Lembaga

## BAHAGIAN III

## KUASA DAN FUNGSI LEMBAGA

18. Kuasa Lembaga memungut dan mengagihkan zakat dan zakat fitrah
19. Fungsi Lembaga
20. Kuasa untuk menubuhkan perbadanan
21. Kuasa untuk menubuhkan syarikat
22. Kuasa membuat peraturan-peraturan
23. Maklumat daripada pihak berkuasa awam, badan berkanun atau syarikat

## BAHAGIAN IV

## PERUNTUKAN YANG BERHUBUNGAN DENGAN PEKERJA

24. Ketua Pegawai Eksekutif
25. Penjalanan sementara fungsi Ketua Pegawai Eksekutif
26. Pelantikan pekerja
27. Syarat perkhidmatan
28. Pinjaman dan wang pendahuluan
29. Pembayaran sagu hati persaraan, dsb.

## BAHAGIAN V

## KEWANGAN

30. Kumpulan Wang Zakat
31. Kumpulan Wang Pentadbiran dan Pengurusan

Seksyen

32. Anggaran pendapatan dan perbelanjaan
33. Perbelanjaan pengurusan Lembaga
34. Akaun dan laporan tahunan
35. Audit

BAHAGIAN VI

TATATERTIB DAN SURCAJ

36. Tatatertib
37. Jawatankuasa tatatertib
38. Peraturan-peraturan tatatertib
39. Lembaga Rayuan Tatatertib
40. Alasan bagi surcaj
41. Notis tunjuk sebab sebelum disurcaj
42. Pengenaan surcaj
43. Pemberitahuan surcaj
44. Penarikan balik surcaj
45. Catatan surcaj
46. Mendapatkan surcaj

BAHAGIAN VII

PERUNTUKAN AM

47. Kuasa untuk meminda Jadual
48. Lembaga boleh menerima pakai peraturan-peraturan, dsb.
49. Pewakilan kuasa
50. Akta Perlindungan Pihak Berkuasa Awam 1948

Seksyen

51. Pekhidmat awam
52. Kecualian dan peralihan
53. Pemansuhan

JADUAL PERTAMA

JADUAL KEDUA

## **UNDANG-UNDANG NEGERI KEDAH DARUL AMAN**

### **Enakmen 23**

#### **ENAKMEN LEMBAGA ZAKAT KEDAH DARUL AMAN 2015**

KAMI SETUJU,

- (MOHOR KERAJAAN)      1. YANG TERAMAT MULIA  
DATO' SERI DIRAJA TAN SRI  
TUNKU SALLEHUDDIN IBNI  
ALMARHUM SULTAN  
BADLISHAH, S.H.M.S., S.S.D.K.,  
P.S.M., D.S.D.K., P.A.T., B.C.K., K.P.K.  
*(Tunku Temenggong Kedah)*  
*Ahli Jemaah Pemangku Sultan Kedah*  
*merangkap Pengerusi*
2. YANG TERAMAT MULIA  
DATO' SERI DIRAJA TAN SRI  
TUNKU ABDUL HAMID THANI  
IBNI ALMARHUM SULTAN  
BADLISHAH, S.H.M.S., S.S.D.K.,  
P.S.M., D.S.D.K.  
*(Tunku Laksamana Kedah)*  
*Ahli Jemaah Pemangku Sultan Kedah*

3. YANG TERAMAT MULIA  
 DATO' SERI DIRAJA TAN SRI  
 TUNKU PUTERI INTAN SAFINAZ  
 BINTI TUANKU ABDUL HALIM  
 MU'ADZAM SHAH,  
 D.K.H., D.K.Y.R., S.H.M.S., S.S.D.K.,  
 P.S.M., P.A.T., J.P.,  
 Hon. Ph.D (UUM)., Hon.  
 Ph.D (KUIN)  
*(Tunku Panglima Besar Kedah)*  
*Ahli Jemaah Pemangku Sultan Kedah*

13 Safar 1437  
 25 November 2015

Suatu Enakmen untuk memperuntukkan perkara-perkara berhubung dengan penubuhan Lembaga Zakat Negeri Kedah Darul Aman, kuasa untuk menguruskan pentadbiran kutipan, agihan zakat dalam Negeri Kedah dan perkara-perkara yang berkaitan.

[ ]

**MAKA DIPERBUAT UNDANG-UNDANGINI oleh Majlis Undangan Negeri Kedah seperti yang berikut:**

#### BAHAGIAN I

#### PERMULAAN

#### Tajuk ringkas dan permulaan kuat kuasa

1. (1) Enakmen ini bolehlah dinamakan Enakmen Lembaga Zakat Kedah Darul Aman 2015.

(2) Enakmen ini hendaklah mula berkuat kuasa pada tarikh yang ditetapkan oleh Kebawah Duli Yang Maha Mulia Sultan melalui pemberitahuan dalam *Warta*.

## Tafsiran

2. (1) Dalam Enakmen ini, melainkan jika konteksnya menghendaki makna yang lain—

“agihan” ertinya pengagihan kutipan zakat kepada *asnaf* yang ditentukan mengikut hukum Syarak;

“*amil*” ertinya mana-mana orang yang beragama Islam yang dilantik oleh Lembaga bukan secara tetap untuk menjalankan tugas-tugas memungut dan mengagihkan zakat atau zakat fitrah bagi pihak Lembaga di bawah seksyen 19(1)(i);

“*asnaf*” ertinya orang yang berhak menerima zakat dan zakat fitrah seperti yang dinyatakan dalam subseksyen 18(3);

“Enakmen terdahulu” ertinya Enakmen Zakat Tahun 1374 (1955) [*Enakmen No. 4 Tahun 1374*];

“Enakmen Pentadbiran” ertinya Enakmen Pentadbiran Undang-Undang Islam (Kedah Darul Aman) 2008 [*Enakmen No. 9*];

“*fakir*” ertinya mana-mana orang yang beragama Islam yang tidak mempunyai apa-apa harta atau pekerjaan atau, jika dia menerima pendapatan dari sumber-sumber lain, jumlahnya tidak sampai lima puluh peratus daripada keperluan dirinya dan keperluan tanggungannya;

“*fisabilillah*” ertinya mana-mana orang yang beragama Islam yang melibatkan diri dalam suatu aktiviti yang dari segi hukum Syarak berhubung aktiviti menegak, mempertahan, mendakwahkan agama Islam serta kebajikannya dan berjuang di jalan Allah;

“*gharimin*” ertinya mana-mana orang yang beragama Islam yang terbeban dengan hutang untuk memenuhi keperluan asas diri dan tanggungannya atau kemaslahatan umum yang memerlukan penyelesaian segera sebagaimana yang dibenarkan oleh hukum Syarak;

“hukum Syarak” ertinya undang-undang Islam mengikut Mazhab Syafie atau mengikut mana-mana satu Mazhab Hanafi, Maliki atau Hambali;

“*ibnussabil*” ertinya mana-mana orang yang beragama Islam yang dalam perjalanan bagi maksud-maksud yang diluluskan oleh hukum Syarak dari mana-mana jua negeri atau negara yang terputus bekalan atau memerlukan bantuan walaupun dia mungkin mempunyai harta di dalam negeri atau negara tempat kediamannya;

“Jawatankuasa Zakat” ertinya jawatankuasa yang ditubuhkan di bawah Enakmen terdahulu yang telah dimansuhkan oleh Enakmen ini;

“Kumpulan Wang Zakat” ertinya kumpulan wang yang ditubuhkan di bawah seksyen 30;

“Kumpulan Wang Pentadbiran dan Pengurusan” ertinya kumpulan wang yang ditubuhkan di bawah seksyen 31;

“Lembaga” ertinya Lembaga Zakat Negeri Kedah Darul Aman yang ditubuhkan di bawah seksyen 4;

“miskin” ertinya mana-mana orang yang beragama Islam yang bukan fakir dan mempunyai harta atau pendapatan daripada pekerjaannya tetapi tidak mencukupi untuk menampung keperluan diri dan keperluan tanggungannya;

“*muallaf*” ertinya mana-mana orang yang—

- (a) memeluk agama Islam di bawah seksyen 70 Enakmen Pentadbiran;
- (b) menunjukkan kecenderungan kepada agama Islam; atau
- (c) mempunyai kecenderungan untuk memeluk agama Islam atau tidak mendarangkan mudarat kepada orang yang beragama Islam;

“*riqab*” ertinya mana-mana orang yang beragama Islam yang tertakluk di bawah satu kuasa yang menghalang kebebasan dirinya;

“*zakat*” ertinya sebahagian harta mengikut kadar yang ditentukan dari pada beberapa jenis harta yang wajib diberikan kepada asnaf yang berhak menerimanya mengikut hukum Syarak; dan

“*zakat fitrah*” ertinya kewajipan seseorang untuk membersih atau mensucikan dirinya yang kena dibayar mengikut hukum Syarak.

(2) Semua perkataan dan ungkapan yang digunakan di dalam Enakmen ini dan tidak ditakrifkan di dalamnya tetapi ditakrifkan dalam Akta Tafsiran 1948 dan 1967 [Akta 388], hendaklah mempunyai erti yang diberikan kepadanya masing-masing setakat yang erti itu tidak bercanggah dengan hukum Syarak.

(3) Bagi mengelakkan keraguan tentang sifat atau tafsiran perkataan atau ungkapan yang digunakan dalam Enakmen ini yang disenaraikan dalam Jadual Pertama, rujukan bolehlah dibuat kepada tulisan Arab bagi perkataan dan ungkapan itu yang ditunjukkan bersetentangan dengannya dalam Jadual itu.

### **Memelihara hak Kebawah Duli Yang Maha Mulia Sultan**

3. Kecuali sebagaimana yang diperuntukkan dengan nyata dalam Enakmen ini tiada apa-apa jua yang terkandung dalam Enakmen ini boleh mengurangkan atau menyentuh hak-hak dan kuasa-kuasa Kebawah Duli Yang Maha Mulia Sultan sebagai Ketua Agama Islam di Negeri Kedah Darul Aman sebagaimana yang ditetapkan dan dinyatakan dalam Undang-Undang Tubuh Kerajaan Kedah [P.U. 32/1959].

## **BAHAGIAN II**

### **PENUBUHAN LEMBAGA ZAKAT NEGERI KEDAH DARUL AMAN**

#### **Penubuhan Lembaga Zakat Negeri Kedah Darul Aman**

4. (1) Suatu pertubuhan perbadanan bernama “Lembaga Zakat Negeri Kedah Darul Aman” ditubuhkan untuk membantu dan menasihati Kebawah Duli Yang Maha Mulia Sultan dalam perkara-perkara yang berhubungan dengan zakat dan zakat fitrah.

(2) Apabila Enakmen ini mula berkuat kuasa, Jawatankuasa Zakat yang wujud menurut kuasa Enakmen terdahulu hendaklah disifatkan sebagai Lembaga yang disebut dalam subseksyen 4(1).

(3) Lembaga boleh mendakwa dan didakwa atas nama perbadanannya.

(4) Segala hak, kuasa, kewajipan dan tanggungan yang sebelum berkuatkuasanya Enakmen ini terletak hak atau dipertanggungkan pada Jawatankuasa Zakat hendaklah, apabila Enakmen ini mula berkuat kuasa, terletak hak dan dipertanggungkan pada Lembaga, selagi ia selaras dengan peruntukan Enakmen ini.

(5) Segala jenis harta alih atau tak alih, yang sebelum Enakmen ini mula berkuat kuasa, terletak hak pada Jawatankuasa Zakat hendaklah, apabila Enakmen ini mula berkuat kuasa, terletak hak pada Lembaga tanpa dipindahkan, diserahkan atau dipindahmilikkan.

(6) Tertakluk kepada mana-mana undang-undang bertulis, Lembaga boleh membuat kontrak dan boleh memperoleh, membeli, mengambil, memegang, menjual dan menikmati harta alih dan tak alih, memindahhakkan, menyerahhakkan, menyerahkan, memulangkan, menggadaikan, menggadaijanjikan, mendemis, menyerahhakkan semula, memindahkan hakmilik atau selainnya melupuskan, atau membuat apa-apa urusan tentang mana-mana harta alih atau tak alih atau apa-apa kepentingan dalamnya yang terletak hak pada Lembaga atas apa-apa terma yang difikirkan patut oleh Lembaga menurut hukum Syarak.

(7) Lembaga hendaklah mempunyai apa-apa kuasa selanjutnya dan menjalankan apa-apa kewajipan yang diberikan kepadanya oleh Enakmen ini atau mana-mana Enakmen lain.

### **Identiti di sisi undang-undang**

5. (1) Lembaga hendaklah kekal turun-temurun dan mempunyai suatu meterai perbadanan dan meterai perbadanan Lembaga hendaklah mempunyai suatu tanda yang diluluskan oleh Lembaga dan meterai itu boleh dari semasa ke semasa dipecahkan, ditukar, diubah dan dibuat baharu sebagaimana yang difikirkan patut oleh Lembaga.

(2) Sehingga suatu meterai diadakan oleh Lembaga, suatu cap yang mengandungi perkataan “Lembaga Zakat Negeri Kedah Darul Aman” bolehlah digunakan dan hendaklah disifatkan sebagai meterai perbadanan Lembaga.

(3) Meterai perbadanan itu hendaklah disimpan dalam jagaan Setiausaha atau mana-mana orang lain yang diberi kuasa oleh Lembaga, dan hendaklah disahkan sama ada oleh Setiausaha atau oleh mana-mana orang lain yang diberi kuasa oleh Setiausaha secara bertulis.

(4) Segala surat ikatan, dokumen dan surat cara lain yang berupa sebagai dimeteraikan dengan meterai perbadanan itu dan disahkan mengikut subseksyen 5(3) hendaklah, sehingga dibuktikan sebaliknya, disifatkan telah disempurnakan dengan sah.

(5) Apa-apa surat ikatan, dokumen dan surat cara lain yang, jika disempurnakan oleh seseorang yang bukan suatu pertubuhan perbadanan, tidak dikehendaki supaya dimeteraikan boleh disempurnakan mengikut cara yang serupa oleh seorang ahli Lembaga atau seseorang pekerja yang diberi kuasa oleh Lembaga bagi maksud itu.

(6) Meterai perbadanan Lembaga hendaklah diberi pengiktirafan rasmi dan kehakiman.

### **Keahlian Lembaga**

**6.** (1) Lembaga hendaklah terdiri daripada ahli-ahli yang berikut yang dilantik oleh Kebawah Duli Yang Maha Mulia Sultan:

(a) Pengurus yang memegang jawatan Setiausaha Kerajaan Negeri;

(b) Penasihat Undang-Undang Negeri;

(c) seorang Setiausaha;

(d) seorang Setiausaha Sulit kepada Kebawah Duli Yang Maha Mulia Sultan; dan

- (e) tidak kurang daripada lapan orang ahli yang lain, dengan syarat bahawa majoriti daripada mereka ini hendaklah terdiri dari orang yang berpengetahuan luas dalam undang-undang berhubung zakat.
- (2) Seseorang ahli Lembaga hendaklah dilantik daripada kalangan warganegara yang beragama Islam.
- (3) Jika pada bila-bila masa orang yang memegang jawatan yang disebut dalam subperenggan 6(1)(b) bukan orang yang beragama Islam, Kebawah Duli Yang Maha Mulia Sultan hendaklah melantik seorang pegawai lain yang beragama Islam yang paling kanan selepas pegawai itu dari jabatan atau bahagian yang sama dengan orang itu untuk menjadi ahli bagi menggantikan orang itu.
- (4) Seseorang ahli Lembaga hendaklah, melainkan jika ia meletakkan jawatannya atau pelantikannya dibatalkan atau jawatannya menjadi kosong, memegang jawatannya selama tempoh tidak lebih dari tiga tahun, sebagaimana yang ditentukan oleh Kebawah Duli Yang Maha Mulia Sultan.
- (5) Seseorang ahli Lembaga yang tempoh jawatannya telah tamat boleh dilantik semula.
- (6) Mana-mana orang yang, sebaik sebelum berkuatkuasanya Enakmen ini merupakan Pengerusi dan ahli Jawatankuasa Zakat hendaklah disifatkan sebagai Pengerusi dan ahli Lembaga sehingga tamatnya tempoh pelantikannya.

### **Setiausaha**

**7.** Setiausaha Lembaga hendaklah menjadi Ketua Pegawai Eksekutif.

### **Penamatan dan pembatalan jawatan ahli Lembaga**

**8.** (1) Jawatan seseorang ahli Lembaga hendaklah tamat—

- (a) jika dia meninggal dunia;

- (b) jika dia, dengan surat yang dialamatkan kepada Kebawah Duli Yang Maha Mulia Sultan, melalui Pengerusi, meletakkan jawatannya; atau
  - (c) jika dia tiada di Malaysia, tanpa kebenaran bertulis daripada Pengerusi, selama tempoh melebihi enam bulan.
- (2) Kebawah Duli Yang Maha Mulia Sultan boleh membatalkan pelantikan mana-mana ahli jika—
- (a) kelakuannya, sama ada yang berkaitan dengan tugasnya sebagai ahli atau sebaliknya, memburukkan nama Lembaga;
  - (b) dia tidak sempurna akal atau selainnya tidak berupaya untuk menjalankan tugasnya dengan sempurna sebagai ahli;
  - (c) dia tidak menghadiri mesyuarat Lembaga tiga kali berturut-turut tanpa kebenaran Pengerusi;
  - (d) dia bertindak bertentangan dengan kepentingan Lembaga;
  - (e) dia menjadi bankrap; atau
  - (f) dia telah disabitkan atas kesalahan jenayah termasuklah kesalahan jenayah syariah. Sekiranya telah dibuktikan terhadapnya, atau jika dia telah disabitkan atas, suatu pertuduhan berkenaan dengan—
    - (i) kesalahan yang melibatkan fraud, kecurangan atau keburukan akhlak;
    - (ii) kesalahan di bawah mana-mana undang-undang yang berhubungan dengan rasuah; atau
    - (iii) apa-apa kesalahan lain yang boleh dihukum dengan pemenjaraan sama ada pemenjaraan sahaja atau sebagai tambahan kepada denda atau sebagai ganti denda.
- (3) Kebawah Duli Yang Maha Mulia Sultan boleh melantik ahli baru untuk mengisi kekosongan mana-mana ahli yang terhenti pelantikannya dalam subseksyen 8(1) dan 8(2).

(4) Seseorang yang dilantik di bawah subseksyen 8(3) hendaklah memegang jawatannya hanya selama baki tempoh jawatan ahli yang pelantikannya terhenti itu.

### **Mesyuarat**

**9.** (1) Lembaga hendaklah mengadakan mesyuarat sekurang-kurangnya tiga kali bagi setiap tahun kewangan.

(2) Semua mesyuarat hendaklah dipanggil oleh Setiausaha atas arahan Pengerusi.

(3) Mesyuarat hendaklah diadakan apabila diarah oleh Pengerusi atau atas permintaan bertulis tidak kurang daripada tiga orang ahli kepada Pengerusi atau Setiausaha.

(4) Notis mesyuarat hendaklah diberikan tidak kurang daripada tujuh hari sebelum mesyuarat tersebut diadakan. Pengerusi boleh, jika dia berpendapat ada keperluan mendesak untuk memanggil suatu mesyuarat dengan notis yang lebih singkat, mengarahkan supaya kehendak notis tujuh hari itu diketepikan.

(5) Notis mesyuarat boleh dihantar dengan pos, faksimili atau mel elektronik.

(6) Tiada notis mesyuarat diperlukan dalam hal ahli yang sedang berada di luar Malaysia yang dimaklumkan terlebih dahulu kepada Setiausaha.

(7) Tiada pembatalan prosiding atau resolusi yang diluluskan pada mesyuarat di bawah Enakmen ini boleh dipersoalkan atas alasan bahawa—

(a) ada apa-apa kekosongan dalam keahlian, atau ada apa-apa kecacatan dalam penubuhan, Lembaga; atau

(b) ada apa-apa peninggalan, kecacatan atau ketidakteraturan yang tidak menyentuh merit kes itu.

### **Mempengerusikan mesyuarat**

**10.** Pengerusi hendaklah mempengerusikan semua mesyuarat dan sekiranya Pengerusi tidak hadir dalam sesuatu mesyuarat, ahli-ahli yang hadir boleh melantik secara sementara mana-mana ahli Lembaga, selain Ketua Pegawai Eksekutif, untuk bertindak sebagai Pengerusi selama tempoh apabila—

- (a) jawatan Pengerusi kosong;
- (b) Pengerusi tidak hadir bertugas atau tidak ada di Malaysia; atau
- (c) Pengerusi, kerana apa-apa sebab lain, tidak boleh melaksanakan tugas jawatannya.

### **Kuorum**

**11.** Tiada urusan, kecuali mengenai penangguhan, boleh dilakukan dalam sesuatu mesyuarat, dan tiada ketetapan atau tindakan Lembaga yang dibuat atau dilaksanakan dalam sesuatu mesyuarat adalah sah melainkan, jika sekurang-kurangnya satu per dua daripada ahli termasuk orang yang mempengerusikan mesyuarat, hadir dalam mesyuarat itu.

### **Keputusan mesyuarat**

**12.** (1) Keputusan di dalam mesyuarat hendaklah dibuat secara persetujuan atau melalui ketetapan majoriti ahli yang hadir dan berhak mengundi, sekiranya berlaku persamaan undi, orang yang mempengerusikan mesyuarat hendaklah mempunyai undi pemutus.

(2) Sesuatu ketetapan dianggap telah diluluskan dalam sesuatu mesyuarat jika—

- (a) semua ahli Lembaga telah dimaklumkan tentang ketetapan yang dicadangkan itu, atau usaha yang munasabah telah dibuat untuk memaklumkan semua ahli Lembaga tentang ketetapan yang dicadangkan itu; dan

(b) tanpa bermesyuarat, semua ahli Lembaga menandakan persetujuan tentang ketetapan itu mengikut cara yang ditentukan oleh Lembaga di bawah subseksyen 12(3).

(3) Subseksyen 12(2) terpakai hanya jika Lembaga—

(a) memutuskan bahawa subseksyen itu terpakai; dan

(b) memutuskan cara yang dengannya ahli Lembaga boleh menandakan persetujuan tentang ketetapan itu.

(4) Pengerusi hendaklah mempunyai kuasa untuk mendapatkan persetujuan daripada ahli Lembaga berhubung apa-apa perkara yang perlu disegerakan secara edaran dan persetujuan itu hendaklah disahkan dalam mesyuarat Lembaga yang akan datang.

### **Minit**

**13.** (1) Setiausaha hendaklah menyimpan minit segala mesyuarat.

(2) Minit itu hendaklah dicatatkan dalam buku minit Lembaga dan hendaklah disahkan dan ditandatangani oleh Pengerusi dan Setiausaha.

(3) Minit mesyuarat, jika ditandatangani dengan sewajarnya, hendaklah diterima dalam mana-mana prosiding undang-undang sebagai keterangan *prima facie* mengenai fakta yang dinyatakan dalam minit itu tanpa bukti selanjutnya.

(4) Tiap-tiap mesyuarat yang berkenaan dengan minit telah dibuat mengikut subseksyen 13(1), (2) dan (3) hendaklah disifatkan telah dipanggil dan diadakan dengan sewajarnya dan semua ahli dalam mesyuarat itu layak dengan sewajarnya untuk bertindak.

### **Tatacara mesyuarat**

**14.** Tertakluk kepada peruntukan Enakmen ini, Lembaga boleh mengawal selia tatacaranya sendiri.

**Lembaga boleh mengundang orang lain untuk menghadiri mesyuarat**

**15.** Lembaga boleh mengundang mana-mana orang lain untuk menghadiri mana-mana mesyuarat Lembaga, bagi maksud menasihatinya tentang apa-apa perkara yang dibincangkan.

**Penzahiran kepentingan**

**16.** (1) Mana-mana ahli Lembaga yang dilantik di bawah seksyen 6 yang mempunyai atau memperoleh suatu kepentingan langsung atau tidak langsung dengan sendiri, menerusi anggota keluarganya atau menerusi sekutunya berhubung dengan apa-apa perkara yang sedang dibincangkan oleh Lembaga hendaklah dengan seberapa segera yang mungkin selepas fakta yang berkaitan sampai kepada pengetahuannya, menzahirkan kepada Lembaga hakikat kepentingannya dan jenis kepentingan itu.

(2) Penzahiran di bawah subseksyen (1) hendaklah direkodkan dalam minit mesyuarat, mengikut mana-mana yang berkenaan, yang di dalamnya perkara itu dibincangkan dan, selepas penzahiran itu, anggota itu—

(a) tidak boleh hadir atau mengambil bahagian dalam mana-mana perbincangan atau keputusan Lembaga, mengikut mana-mana yang berkenaan, mengenai perkara itu; dan

(b) tidak boleh dikira bagi maksud membentuk kourum Lembaga, mengikut mana-mana yang berkenaan,

apabila perkara itu dibincangkan atau diputuskan.

(3) Seseorang ahli Lembaga yang tidak menzahirkan kepentingannya sebagaimana yang dikehendaki di bawah subseksyen 16(1) melakukan suatu kesalahan dan boleh, apabila disabitkan, didenda tidak melebihi lima ribu ringgit atau pemenjaraan selama tempoh tidak melebihi tiga tahun atau kedua-duanya.

(4) Tiada apa-apa tindakan atau prosiding Lembaga boleh ditidaksahkan atas alasan bahawa mana-mana ahli Lembaga telah melanggar seksyen ini.

(5) Bagi maksud seksyen ini—

“anggota keluarganya”, berhubung dengan seseorang ahli Lembaga, termasuklah—

(a) suami atau isterinya;

(b) ibu atau bapanya (termasuk ibu atau bapa suami atau isterinya);

(c) anaknya (termasuk anak angkat atau anak tiri);

(d) adik-beradiknya (termasuk adik-beradik suami atau isterinya); dan

(e) suami atau isteri anaknya atau adik-beradiknya; dan

“sekutu”, berhubung dengan seseorang ahli Lembaga, ertiinya—

(a) orang yang merupakan penama atau pekerja anggota itu;

(b) firma yang anggota itu atau mana-mana penamanya merupakan seorang pekongsinya;

(c) pekongsi anggota itu;

(d) pemegang amanah sesuatu amanah yang di bawahnya anggota itu atau seorang anggota keluarganya adalah seorang benefisiari; atau

(e) mana-mana perbadanan mengikut pengertian Akta Syarikat 1965 [Akta 125], yang anggota itu atau mana-mana penamanya atau seseorang anggota keluarganya adalah seorang pengarah atau mempunyai pemegangan syer yang substansial dalam perbadanan itu.

### BAHAGIAN III

#### KUASA DAN FUNGSI LEMBAGA

##### **Ahli hendaklah menumpukan masa kepada urusan Lembaga**

**17.** Ahli Lembaga hendaklah menumpukan masa kepada urusan Lembaga sebagaimana yang perlu untuk menunaikan kewajipan mereka dengan berkesan.

##### **Kuasa Lembaga memungut dan mengagihkan zakat dan zakat fitrah**

**18.** (1) Lembaga hendaklah berkuasa memungut zakat dan zakat fitrah daripada setiap orang yang beragama Islam yang kena dibayar di Negeri Kedah Darul Aman dan mengagihkannya mengikut hukum Syarak bagi pihak Kebawah Duli Yang Maha Mulia Sultan.

(2) Lembaga hendaklah berkuasa mengagihkan kesemua hasil kutipan zakat dan zakat fitrah kepada *asnaf* yang dinyatakan di bawah subseksyen 18(3).

(3) Tertakluk kepada keputusan Jawatankuasa Fatwa, golongan yang berhak menerima zakat dan zakat fitrah adalah—

(a) *fakir*;

(b) *miskin*;

(c) *amil*;

(d) *muallaf*;

(e) *riqab*;

(f) *gharimin*;

(g) *fisabilillah*; dan

(h) *ibnussabil*.

(4) Lembaga hendaklah menentukan tatacara agihan zakat.

**Fungsi Lembaga**

**19.** (1) Fungsi Lembaga adalah seperti yang berikut:

- (a) menasihati Kebawah Duli Yang Maha Mulia Sultan tentang segala perkara yang berhubungan dengan zakat dan zakat fitrah;
- (b) menguruskan segala perkara yang berhubungan dengan aktiviti pentaksiran, pemungutan dan pengagihan zakat dan zakat fitrah;
- (c) mengambil segala langkah yang munasabah untuk mendidik orang Islam berhubungan dengan kewajipan mereka membayar zakat;
- (d) menjalankan bancian berhubung dengan orang yang layak dikenakan zakat;
- (e) menentukan *asnaf*;
- (f) menerima segala hasil dari kutipan zakat dan zakat fitrah;
- (g) menyediakan anggaran tahunan bagi kutipan dan agihan zakat;
- (h) menukuhkan jawatankuasa yang terdiri daripada ahli Lembaga atau bukan atau gabungan kedua-duanya untuk menasihati atau membantu Lembaga dalam perkara mengenai pengurusan dan operasi Lembaga; dan
- (i) melantik dan membayar ejen termasuk *amil*, peguam bela dan peguam cara, juru bank, broker saham atau mana-mana orang lain untuk menjalankan apa-apa urusan atau melakukan apa-apa perbuatan yang dikehendaki supaya dijalankan atau dilakukan dalam melaksanakan kuasanya atau dalam menjalankan kewajipannya atau bagi menjalankan maksud Enakmen ini dengan lebih baik.

### **Kuasa untuk menubuhkan perbadanan**

**20.** (1) Lembaga boleh, atas perkenan Kebawah Duli Yang Maha Mulia Sultan dari semasa ke semasa, menubuhkan perbadanan dengan apa-apa nama yang pada pendapat Lembaga adalah sesuai untuk menjalankan dan dipertanggungjawabkan dengan kawalan, pentadbiran dan pengurusan apa-apa projek, skim atau pengusahaan yang telah dirancangkan atau dijalankan oleh Lembaga dalam melaksanakan kewajipan atau kuasanya di bawah seksyen 18 dan

(2) Apabila Lembaga menubuhkan suatu perbadanan di bawah subseksyen 20(1), Lembaga hendaklah, membuat peruntukan berhubung dengan pertubuhan itu yang menetapkan:

(a) kewajipan, kuasa dan hak perbadanan itu; dan

(b) sistem pengurusan perbadanan itu.

(3) Peruntukan Jadual Kedua hendaklah terpakai bagi sesuatu perbadanan yang ditubuhkan oleh Lembaga di bawah subseksyen 20(1).

### **Kuasa untuk menubuhkan syarikat**

**21.** (1) Lembaga boleh, atas perkenan Kebawah Duli Yang Maha Mulia Sultan, menubuhkan syarikat di bawah Akta Syarikat 1965 [Akta 125] untuk menjalankan apa-apa aktiviti Lembaga dalam melaksanakan kewajipan atau kuasanya di bawah seksyen 18 dan 19.

(2) Tiap-tiap syarikat yang ditubuhkan atau berupa sebagai ditubuhkan oleh Lembaga di bawah Akta Syarikat 1965 [Akta 125] sebelum seksyen ini mula berkuat kuasa hendaklah disifatkan telah ditubuhkan dengan sah dan hendaklah wujud seolah-olah ia telah ditubuhkan oleh Lembaga di bawah subseksyen 21(1).

(3) Apa-apa pembiayaan atau bantuan kewangan yang diberikan oleh Lembaga kepada sesuatu syarikat yang disebut dalam subseksyen 21(2) hendaklah disifatkan telah diberikan dengan sah di bawah seksyen 19.

(4) Lembaga hendaklah mempunyai segala kuasa yang perlu bagi atau yang berkaitan dengan, atau yang semunasabahnya bersampingan dengan pelaksanaan fungsi-fungsinya di bawah Enakmen ini.

### **Kuasa membuat peraturan-peraturan**

**22.** (1) Lembaga boleh membuat peraturan-peraturan untuk mengawal selia semua perkara yang berhubungan dengan pungutan, pentadbiran dan pembahagian zakat dan zakat fitrah.

(2) Tanpa menjaskan kuasa keseluruhan sebelum ini, Lembaga boleh membuat peraturan-peraturan untuk—

- (a) menentukan dari semasa ke semasa kadar zakat dan zakat fitrah yang kena dibayar oleh setiap orang yang beragama Islam di dalam Negeri Kedah Darul Aman;
- (b) mewujudkan tatacara pemungutan dan pengagihan zakat dan zakat fitrah; dan
- (c) apa-apa perkara lain yang disifatkan oleh Lembaga sebagai suai manfaat atau perlu bagi melaksanakan mana-mana peruntukan Enakmen ini.

### **Maklumat daripada pihak berkuasa awam, badan berkanun atau syarikat**

**23.** Lembaga boleh meminta maklumat daripada mana-mana pihak berkuasa awam, badan berkanun atau syarikat berhubung dengan mana-mana majikan, pekerja dan maklumat lain yang berkaitan bagi maksud melaksanakan Enakmen ini.

## **BAHAGIAN IV**

### **PERUNTUKAN YANG BERHUBUNGAN DENGAN PEKERJA**

#### **Ketua Pegawai Eksekutif**

**24.** (1) Ketua Pegawai Eksekutif ialah Setiausaha bagi Lembaga yang dilantik di bawah seksyen 7.

- (2) Ketua Pegawai Eksekutif hendaklah dilantik daripada kalangan yang berkelulusan pengajian Islam.
- (3) Ketua Pegawai Eksekutif hendaklah bertanggungjawab bagi pentadbiran dan pengurusan fungsi dan hal ehwal hari ke hari Lembaga pada keseluruhannya.
- (4) Ketua Pegawai Eksekutif hendaklah mempunyai kawalan am ke atas pekerja lain dan *amil*.
- (5) Dalam menunaikan kewajipannya, Ketua Pegawai Eksekutif hendaklah bertindak di bawah kuasa dan mengikut arahan Lembaga.
- (6) Ketua Pegawai Eksekutif berhak menghadiri semua mesyuarat Lembaga dan mengambil bahagian dalam pertimbangtelitiannya, tetapi tidak berhak mengundi.

### **Penjalanan sementara fungsi Ketua Pegawai Eksekutif**

**25.** Kebawah Duli Yang Maha Mulia Sultan boleh melantik secara sementara mana-mana pegawai Lembaga untuk bertindak sebagai Ketua Pegawai Eksekutif selama tempoh apabila—

- (a) jawatan Ketua Pegawai Eksekutif kosong;
- (b) Ketua Pegawai Eksekutif tidak hadir bertugas atau tidak ada di Malaysia; atau
- (c) Ketua Pegawai Eksekutif, kerana apa-apa sebab lain, tidak boleh melaksanakan tugas jawatannya.

### **Pelantikan pekerja**

**26.** Lembaga boleh dari semasa ke semasa melantik dan mengambil khidmat apa-apa bilangan pekerja yang difikirkan wajar dan perlu oleh Lembaga dan atas apa-apa terma yang didapatinya sesuai untuk membantunya menjalankan fungsinya.

### **Syarat perkhidmatan**

**27.** Lembaga boleh menentukan syarat-syarat perkhidmatan pekerjanya.

### **Pinjaman dan wang pendahuluan**

**28.** Lembaga boleh memberikan pinjaman, dan wang pendahuluan kepada pekerjanya bagi apa-apa maksud dan atas apa-apa terma yang ditentukan oleh Lembaga.

### **Pembayaran sagu hati persaraan, dsb.**

**29.** Lembaga boleh membuat perkiraan bagi pembayaran kepada pekerjanya atau warisnya apa-apa sagu hati atau bayaran lain yang ditentukan oleh Lembaga bagi tujuan persaraan.

## BAHAGIAN V

### KEWANGAN

#### **Kumpulan Wang Zakat**

**30.** (1) Suatu kumpulan wang dikenali sebagai “Kumpulan Wang Zakat” ditubuhkan dan hendaklah ditadbir dan diurus oleh Lembaga.

(2) Kumpulan Wang Zakat itu hendaklah terdiri daripada—

- (a) segala kutipan zakat dan zakat fitrah yang diterima oleh Lembaga melalui pungutan zakat dan zakat fitrah;
- (b) semua hasil sewaan, dan apa-apa yang kena dibayar kepada Lembaga itu menurut peruntukan-peruntukan Enakmen ini atau mana-mana undang-undang bertulis yang lain;
- (c) segala wang yang dihasilkan daripada Kumpulan Wang Zakat atau daripada pelupusan apa-apa harta milik Lembaga; dan
- (d) semua terimaan oleh Lembaga itu daripada mana-mana pihak atau individu.

- (3) Kumpulan Wang Zakat itu boleh dibelanjakan untuk:
- (a) perbelanjaan bagi melaksanakan kuasa dan fungsinya di bawah seksyen 18, 19, 20, 21 dan 31; dan
  - (b) membiayai apa-apa projek, perniagaan, atau pelaburan yang boleh memberi faedah kepada Lembaga.

### **Kumpulan Wang Pentadbiran dan Pengurusan**

**31.** (1) Suatu kumpulan wang dikenali sebagai “Kumpulan Wang Pentadbiran dan Pengurusan” ditubuhkan dan hendaklah ditadbir dan diurus oleh Lembaga.

(2) Satu per lapan daripada Kumpulan Wang Zakat diperuntukkan untuk Kumpulan Wang Pentadbiran dan Pengurusan bagi maksud perbelanjaan di bawah perenggan 19(1)(b), (c), (d), (h), (i) dan seksyen 28, 29 dan 33. Sekiranya tidak mencukupi Lembaga boleh menentukan untuk sejumlah peruntukan daripada Kumpulan Wang Zakat, dengan perkenan Kebawah Duli Yang Maha Mulia Sultan.

### **Anggaran pendapatan dan perbelanjaan**

**32.** (1) Lembaga hendaklah, tidak lewat dari 15 Disember dalam setiap tahun kalender meluluskan anggaran untuk tahun kalendar kewangan yang berikutnya.

(2) Jika peruntukan wang tambahan dikehendaki dalam sesuatu tahun kalendar kewangan, Lembaga boleh dari semasa ke semasa meluluskan anggaran tambahan dengan menunjukkan punca-punca dari mana apa-apa perbelanjaan tambahan yang dilakukan olehnya boleh dibayar.

(3) Bagi maksud seksyen ini, tahun kalendar kewangan Lembaga hendaklah bermula pada 1 Januari dan berakhir pada 31 Disember setiap tahun.

**Perbelanjaan pengurusan Lembaga**

**33.** Semua kos, bayaran dan belanja untuk mentadbirkan harta dan aset yang terletak hak pada Lembaga, termasuk kos penyenggaraan dan pemberian mana-mana harta alih dan tak alih, saraan semua pekhidmat Lembaga, dan elauan dan fi yang kena dibayar kepada mana-mana pekerja atau ahli Lembaga berkenaan dengan perkhidmatannya sebagai pekhidmat, pekerja atau ahli Lembaga termasuk apa-apa faedah dan keistimewaan boleh dibayar daripada peruntukan di bawah seksyen 31.

**Akaun dan laporan tahunan**

**34.** (1) Lembaga hendaklah membuka dan mengendalikan suatu akaun atau akaun-akaun dengan mana-mana institusi kewangan Islam.

(2) Semua wang yang diterima oleh atau untuk Lembaga hendaklah dibayar ke dalam suatu akaun bank Lembaga mengikut cara yang diperuntukkan dalam tatacara kewangan Lembaga.

(3) Apa-apa pembayaran yang dikeluarkan daripada mana-mana akaun bank Lembaga hendaklah dikeluarkan mengikut tata cara yang diperuntukkan dalam tatacara kewangan Lembaga.

(4) Akta Badan Berkanun (Akaun dan Laporan Tahunan) 1980 [Akta 240] tidak terpakai bagi maksud Enakmen ini.

**Audit**

**35.** (1) Lembaga hendaklah tidak melebihi pada 30 April setiap tahun berikutnya mengemukakan penyata kewangan tahun sebelumnya, menyebabkan supaya akaunnya diaudit oleh Ketua Audit Negara dan hendaklah secepat yang dapat dilaksanakan, menghantar akaun yang diaudit itu kepada pihak berkuasa negeri.

(2) Akaun yang telah diaudit tersebut hendaklah disiarkan dalam *Warta*.

BAHAGIAN VI

TATATERTIB DAN SURCAJ

**Tatatertib**

**36.** Lembaga hendaklah mempunyai kuasa tatatertib ke atas semua pekerja dan pekhidmatnya dan hendaklah menjalankan kawalan tatatertib berkenaan dengan semua orang itu.

**Jawatankuasa tatatertib**

**37.** (1) Lembaga boleh menubuhkan jawatankuasa tatatertib yang berlainan bagi kategori yang berlainan pekerja-pekerja dan pekhidmat-pekhidmatnya.

(2) Yang berikut hendaklah terpakai bagi sesuatu jawatankuasa tatatertib:

(a) sesuatu jawatankuasa tatatertib hendaklah terdiri daripada apa-apa bilangan ahli Lembaga, selain Pengurus, atau pekerja Lembaga atau apa-apa kombinasi ahli Lembaga dan pekerja; dan

(b) seseorang pekerja yang menjadi anggota sesuatu jawatankuasa tatatertib tidaklah boleh lebih rendah pangkatnya daripada seseorang pekerja yang ke atasnya jawatankuasa tatatertib yang dianggotainya mempunyai kuasa tatatertib.

(3) Sesuatu jawatankuasa tatatertib hendaklah menjalankan kuasanya dalam segala perkara yang berhubungan dengan tatatertib pekerja-pekerja dan pekhidmat-pekhidmat yang diletakkan di bawah bidang kuasanya.

(4) Pada menjalankan fungsi dan kuasa tatatertibnya, sesuatu jawatankuasa tatatertib hendaklah mempunyai kuasa untuk mengambil tindakan tatatertib dan mengenakan apa-apa hukuman tatatertib atau apa-apa kombinasi dua hukuman tatatertib atau lebih sebagaimana yang diperuntukkan di bawah mana-mana peraturan tatatertib yang dibuat di bawah seksyen 36.

**Peraturan-peraturan tatatertib**

**38.** (1) Lembaga boleh, atas perkenan Kebawah Duli Yang Maha Mulia Sultan, membuat peraturan untuk mengadakan peruntukan bagi tatatertib pekerja-pekerja dan pekhidmat-pekhidmatnya.

(2) Peraturan tatatertib yang dibuat di bawah seksyen ini—

- (a) boleh mewujudkan kesalahan tatatertib;
- (b) boleh mengadakan peruntukan bagi sesuatu hukuman tatatertib yang difikirkan sesuai oleh Lembaga dan hukuman itu boleh meliputi—
  - (i) amaran;
  - (ii) denda;
  - (iii) pelucuthakan emolumen;
  - (iv) penangguhan pergerakan gaji;
  - (v) pengurangan gaji;
  - (vi) penurunan pangkat; dan
  - (vii) buang kerja;
- (c) hendaklah memberikan peluang kepada pekerja-pekerja dan pekhidmat-pekhidmat yang terhadapnya prosiding tatatertib itu diambil untuk membuat representasi terhadap pertuduhan tatatertib yang dibuat terhadapnya sebelum keputusan dicapai oleh jawatankuasa tatatertib kecuali dalam hal-hal yang berikut:
  - (i) jika seseorang pekerja atau pekhidmat dibuang kerja atau diturunkan pangkat atas alasan salah laku yang berkenaan dengannya suatu pertuduhan jenayah telah dibuktikan terhadapnya;

- (ii) jika Lembaga, atas syor Menteri yang dipertanggungkan dengan hal ehwal dalam negeri, berpuas hati bahawa demi kepentingan keselamatan Malaysia atau mana-mana bahagiannya adalah tidak suai manfaat untuk menjalankan kehendak perenggan ini; atau
- (iii) jika telah—
  - (A) dibuat terhadap seseorang pekerja atau pekhidmat apa-apa perintah tahanan, pengawasan, kediaman terhad, buang negeri atau pengusiran; atau
  - (B) dikenakan terhadap seseorang pekerja atau pekhidmat apa-apa bentuk sekatan atau pengawasan dengan bon atau selainnya, di bawah mana-mana undang-undang yang berhubungan dengan keselamatan Malaysia atau mana-mana bahagiannya, pencegahan jenayah dan tahanan pencegahan, kediaman terhad, buang negeri, imigresen, atau perlindungan wanita dan gadis atau perlindungan kanak-kanak;
- (d) boleh mengadakan peruntukan bagi penahanan kerja dengan pengurangan emolumen seseorang pekerja atau pekhidmat semasa menanti selesainya prosiding jenayah atau prosiding tatatertib terhadapnya dengan tujuan buang kerja atau turun pangkat;
- (e) boleh mengadakan peruntukan bagi penggantungan tanpa emolumen seseorang pekerja atau pekhidmat—
  - (i) jika pekerja atau pekhidmat itu telah disabitkan oleh suatu mahkamah jenayah; atau
  - (ii) jika suatu perintah tahanan atau sekatan telah dikenakan ke atas pekerja atau pekhidmat itu; dan
- (f) boleh mengadakan peruntukan bagi tatacara pendengaran sesuatu rayuan oleh Lembaga Rayuan Tatatertib yang ditubuhkan di bawah seksyen 39.

## Lembaga Rayuan Tatatertib

**39.** (1) Sesuatu keputusan jawatankuasa tatatertib boleh dirayu kepada Lembaga Rayuan Tatatertib yang hendaklah terdiri daripada anggota yang berikut:

- (a) Pengurus, yang hendaklah menjadi pengurus Lembaga Rayuan Tatatertib dan mempunyai undi pemutus; dan
  - (b) dua orang ahli Lembaga yang lain, yang bukan anggota jawatankuasa tatatertib yang keputusannya merupakan hal perkara rayuan itu, yang hendaklah dilantik oleh pengurus bagi maksud rayuan itu.
- (2) Apabila Lembaga Rayuan Tatatertib menimbangkan sesuatu rayuan, anggota jawatankuasa tatatertib yang terhadap keputusannya rayuan itu dibuat tidak boleh hadir atau dengan apa-apa cara mengambil bahagian dalam apa-apa prosiding yang berhubungan dengan rayuan itu.
- (3) Lembaga Rayuan Tatatertib boleh mengesahkan, mengakaskan atau mengubah keputusan jawatankuasa tatatertib.

## Alasan bagi surcaj

**40.** (1) Seseorang yang sedang atau pernah berkhidmat dengan Lembaga boleh disurcaj jika ternyata kepada Lembaga bahawa orang itu—

- (a) tidak atau telah gagal untuk memungut apa-apa zakat atau zakat fitrah yang bagi pungutannya dia adalah atau telah dipertanggungjawabkan;
- (b) ditahan untuk kegunaannya sendiri atau selainnya apa-apa bahagian daripada amaun zakat atau zakat fitrah yang dikumpul atau diterima olehnya;
- (c) enggan menyerahkan balik kepada Lembaga apa-apa zakat fitrah atau zakat yang dipungut atau diterima olehnya;

- (d) tidak atau telah gagal membuat apa-apa pembayaran, atau adalah atau telah bertanggungjawab bagi apa-apa kelewatan dalam pembayaran wang daripada Lembaga kepada mana-mana orang yang kepadanya bayaran itu kena dibayar di bawah mana-mana undang-undang atau di bawah mana-mana kontrak, perjanjian atau perkiraan yang dibuat antara orang itu dengan Lembaga;
  - (e) adalah atau telah bertanggungjawab bagi apa-apa pembayaran wang yang tidak sepatutnya daripada Lembaga atau bagi apa-apa pembayaran wang yang tidak diluluskan dengan sewajarnya;
  - (f) adalah atau telah bertanggungjawab, secara langsung atau tidak langsung, bagi apa-apa kekurangan dalam, atau bagi pemusnahan, apa-apa wang, barang-barang simpanan atau harta lain Lembaga;
  - (g) sebagai atau sebagai seorang yang pernah menjadi seorang pegawai akaun, tidak atau telah gagal untuk menyimpan atau memantau akaun atau rekod yang sepatutnya bagi Lembaga; atau
  - (h) apabila tamat pelantikannya sebagai pekerja, gagal untuk menyerahkan kembali segala resit, atau borang, atau apa-apa dokumen atau barang yang dikehendaki diserahkan kembali kepada Lembaga,
- (2) Mana-mana orang yang membantu, menyubahati atau menghasut mana-mana orang untuk melakukan suatu kesalahan di bawah perenggan 40(1)(a), (b), (c), (d), (e), (f), (g) dan (h), adalah dianggap orang itu menyubahati atau menghasut jika dia—
- (a) menghasut mana-mana orang supaya melakukan perkara itu;
  - (b) mengambil bahagian bersama dengan mana-mana orang lain dalam apa-apa pakatan jahat untuk melakukan kesalahan itu, jika sesuatu perbuatan atau ketinggalan yang menyalahi undang-undang berlaku ekoran daripada pakatan jahat itu, dan dengan tujuan hendak melakukan kesalahan itu; atau

- (c) dengan sengaja membantu, dengan apa-apa perbuatan atau ketinggalan yang menyalahi undang-undang, melakukan kesalahan itu.

### **Notis tunjuk sebab sebelum disurcaj**

**41.** Lembaga hendaklah, sebelum seseorang disurcaj, menyampaikan kepadanya suatu notis bertulis yang memintanya menunjukkan sebab mengapa dia tidak patut disurcaj.

### **Pengenaan surcaj**

**42.** Jika penjelasan yang memuaskan hati tidak diterima dalam masa empat belas hari dari tarikh notis disampaikan kepada seseorang di bawah seksyen 41, Lembaga boleh—

- (a) dalam hal mana-mana perbuatan atau peninggalan yang disebut dalam perenggan 40 (1)(a), (b), (c), (d), (e), (f), (g) dan (h), mensurcaj terhadap orang itu wang yang tidak melebihi amaun yang tidak dipungut, atau apa-apa bayaran yang tidak sepatutnya dibuat, atau nilai yang terkurang dalam harta itu atau nilai harta yang termusnah itu; dan
- (b) dalam hal mana-mana perbuatan atau peninggalan yang disebut dalam subseksyen 40(2), mensurcaj terhadap orang itu apa-apa jumlah wang yang difikirkan patut oleh Lembaga dengan mengambil kira hal keadaan kes.

### **Pemberitahuan surcaj**

**43.** Lembaga hendaklah memberitahu orang yang disurcaj berkenaan dengan apa-apa surcaj yang dikenakan di bawah seksyen 42.

### **Penarikan balik surcaj**

**44.** Walau apapun seksyen 42 dan 43, Lembaga boleh pada bila-bila masa menarik balik apa-apa surcaj yang berkenaan dengannya penjelasan yang memuaskan hati telah diterima atau jika ternyata

selainnya bahawa tiada surcaj patut dikenakan, dan Lembaga hendaklah dengan serta-merta memberitahu orang yang disurcaj itu tentang penarikan balik itu.

**Catatan surcaj**

**45.** Tiap-tiap surcaj yang dikenakan ke atas seseorang pegawai di bawah Bahagian ini hendaklah dicatatkan dalam rekod perkhidmatan pegawai itu.

**Mendapatkan surcaj**

**46.** Amaun apa-apa surcaj yang dikenakan di bawah seksyen 42 dan tidak ditarik balik di bawah seksyen 44 hendaklah menjadi hutang yang kena dibayar kepada Lembaga daripada orang yang disurcaj dan boleh didakwa dan didapatkan di dalam mana-mana Mahkamah atas guaman Lembaga dan boleh juga, jika diarahkan oleh Lembaga, didapatkan melalui potongan gaji atau bayaran kontrak orang yang disurcaj itu.

**BAHAGIAN VII****PERUNTUKAN AM****Kuasa untuk meminda Jadual**

**47.** Kebawah Duli Yang Maha Mulia Sultan atas nasihat Lembaga boleh, dari semasa ke semasa, melalui pemberitahuan dalam *Warta* meminda Jadual Kedua.

**Lembaga boleh menerima pakai peraturan-peraturan, dsb.**

**48.** Lembaga boleh menerima pakai atau membuat apa-apa ubah suaian yang difikirkannya patut mana-mana peraturan, dasar, pekeliling dan arahan yang diperbuat atau dikeluarkan oleh Kerajaan Persekutuan atau Kerajaan Negeri.

**Pewakilan kuasa**

**49.** (1) Lembaga boleh mewakilkan kuasa secara bertulis kepada mana-mana pekerja dan pekhidmat yang dilantiknya untuk menjalankan atau membantu menjalankan apa-apa fungsi Lembaga di bawah Enakmen ini.

(2) Jika seseorang pekerja Lembaga menjalankan fungsi Lembaga menurut kuasa mana-mana peruntukan subseksyen 49(1), dia hendaklah berbuat demikian tertakluk kepada kawalan dan penyeliaan Lembaga.

(3) Pewakilan kuasa di bawah subseksyen 49(1), bagi menjalankan apa-apa fungsi Lembaga tidak boleh menghalang perjalanan fungsi Lembaga itu sendiri.

(4) Sebutan dalam Enakmen ini kepada Lembaga hendaklah ditafsirkan berhubung dengan apa-apa kes yang seseorang pekerja dan pekhidmat Lembaga diberi kuasa oleh mana-mana peruntukan subseksyen 49(1) untuk menjalankan fungsi Lembaga, sebagai termasuk sebutan kepada pekerja Lembaga itu.

### **Akta Perlindungan Pihak Berkuasa Awam 1948**

**50.** Akta Perlindungan Pihak Berkuasa Awam 1948 [*Akta 198*] hendaklah terpakai bagi apa-apa tindakan, guaman, pendakwaan atau prosiding terhadap Lembaga, Jawatankuasa Ahli Lembaga, pekerja, pekhidmat atau mana-mana orang yang diberi kuasa oleh Lembaga berkenaan dengan apa-apa perbuatan, keabadian, kecuaian atau keingkaran yang dibuat atau dilakukan oleh Lembaga atau orang itu atas sifat jawatannya.

### **Pekhidmat awam**

**51.** Tiap-tiap ahli Lembaga, Jawatankuasa, pekerja dan pekhidmat Lembaga hendaklah disifatkan sebagai pekhidmat awam mengikut pengertian Kanun Keseksaan [*Akta 574*].

### **Kecualian dan peralihan**

**52.** (1) Tertakluk kepada peruntukan ini, apa-apa pendaftaran, suruhan, perbuatan, arahan kelulusan, pengisytiharan, perintah, notis, borang, surat kebenaran, pelantikan dan keputusan yang dikeluarkan atau dilakukan atau dibuat atau disifatkan telah dibuat di bawah atau menurut kuasa mana-mana peruntukan di bawah

Enakmen terdahulu, hendaklah terus berkuat kuasa dan berkesan sepenuhnya yang berhubungan dengannya pendaftaran, suruhan, perbuatan, arahan kelulusan, pengisytiharan, perintah, notis, borang, surat kebenaran, pelantikan dan keputusan itu terpakai setakat mana yang tidak bertentangan dengan Enakmen ini, sehingga dipinda atau dibatalkan di bawah Enakmen ini atau pendaftaran, suruhan, perbuatan, arahan kelulusan, perisytiharan, perintah, pemberitahuan, notis, borang, surat kebenaran, pelantikan atau keputusan yang baru dibuat di bawah Enakmen ini atau mana-mana perundangan subsidiari yang dibuat di bawah Enakmen ini atau sehingga tarikh habis tempoh pendaftaran, suruhan, perbuatan, arahan kelulusan, perisytiharan, perintah, pemberitahuan, notis, borang, surat kebenaran, atau pelantikan atau keputusan itu.

(2) Semua prosiding yang telah dimulakan di bawah Enakmen terdahulu ini hendaklah diteruskan sehingga selesai prosiding tersebut di bawah peruntukan itu seolah-olah Enakmen ini tidak diluluskan.

### **Pemansuhan**

**53.** (1) Enakmen Zakat 1374 (1955) [*Enakmen No.4 Tahun 1374*], yang disebut Enakmen terdahulu dengan ini dimansuhkan.

(2) Mana-mana perundangan subsidiari yang dibuat di bawah Enakmen terdahulu hendaklah, setakat yang perundangan subsidiari itu selaras dengan Enakmen ini, terus berkuat kuasa sehingga dibatalkan atau digantikan oleh mana-mana perundangan subsidiari yang dibuat di bawah Enakmen ini, dan hendaklah bagi segala maksud disifatkan telah dibuat di bawah Enakmen ini.

(3) Kebawah Duli Yang Maha Mulia Sultan boleh, bilamana didapatinya perlu atau suai manfaat untuk berbuat demikian sama ada bagi maksud menghapuskan kesulitan atau berbangkit daripada terlulusnya Enakmen ini, melalui pemberitahuan yang disiarkan dalam *Warta*, membuat apa-apa ubah suaian kepada mana-mana perundangan subsidiari yang dibuat di bawah perundangan yang dimansuhkan sebagaimana yang difikirkannya patut.

**JADUAL PERTAMA**

[Subseksyen 2(3)]

**BENTUK SKRIP BAHASA ARAB BAGI PERKATAAN  
DAN UNGKAPAN TERTENTU**

Amil	عامل
Asnaf	أصناف
Hukum Syarak	حکوم شرع
Miskin	مسكين
Muallaf	مؤلف
Ibnussabil	ابن السبيل
Fakir	فقير
Fisabilillah	في سبيل الله
Gharimin	غارمين
Riqab	رقب

**JADUAL KEDUA**

[Subseksyen 20(3)]

1. Tiada apa-apa jua dalam seksyen 20 boleh disifatkan sebagai membenarkan Lembaga membuat perintah untuk menubuhkan apa-apa perbadanan yang mempunyai apa-apa kewajipan, kuasa atau hak yang bukan dalam kewajipan, kuasa atau hak Lembaga di bawah Enakmen ini.
2. Tertakluk kepada peruntukan lain dalam Enakmen ini, apa-apa perintah yang dibuat di bawah seksyen 20 adalah mengikat perbadanan yang berkenaan dengannya perintah itu dibuat dan hendaklah mempunyai kuat kuasa bagi segala maksud seolah-olah perintah itu terkandung dalam Enakmen ini.
3. Lembaga boleh, atas perkenan Kebawah Duli Yang Maha Mulia Sultan, pada bila-bila masa meminda, membatalkan atau menambah apa-apa perintah yang dibuat berkenaan dengan mana-mana perbadanan di bawah seksyen 20.

4. Lembaga hendaklah menyimpan satu daftar bagi semua perbadanan yang ditubuhkan olehnya di bawah seksyen 20 dan daftar itu bersekali dengan salinan-salinan semua perintah yang dibuat di bawah seksyen itu hendaklah terbuka kepada pemeriksaan awam di tempat atau tempat-tempat dan pada waktu-waktu yang ditetapkan oleh Lembaga.

5. (1) Lembaga boleh, atas perkenan Kebawah Duli Yang Maha Mulia Sultan, melalui perintah yang disiarkan dalam *Warta*, mengarahkan supaya mana-mana perbadanan yang ditubuhkan olehnya digulung dan dibubarkan.

(2) Apabila mana-mana perbadanan terbubar di bawah perenggan ini, aset perbadanan itu, setelah dibayar segala liabiliti, hendaklah berpindah kepada dan terletak hak pada Lembaga.

(3) Penggulungan sesuatu perbadanan di bawah perenggan ini hendaklah dijalankan cara yang ditetapkan oleh Lembaga.

6. Tiap-tiap perbadanan yang ditubuhkan di bawah seksyen 20—

(a) hendaklah menjadi pertubuhan perbadanan dengan nama yang diberikan kepadanya oleh Lembaga;

(b) hendaklah kekal turun temurun;

(c) boleh mendakwa dan didakwa atas nama yang diberikan oleh Lembaga itu; dan

(d) bagi maksud memajukan atau menunaikan fungsi-fungsinya, boleh—

(i) membuat kontrak;

(ii) memegang dan mengurusniagakan atau memperlakukan apa-apa harta alih atau tak alih; dan

(iii) boleh melakukan segala perkara dan benda lain yang bersandingan atau berkaitan dengan sesuatu pertubuhan perbadanan yang tidak berlawanan dengan peruntukan-peruntukan Enakmen ini, tertakluk kepada apa-apa sekatan yang ditetapkan oleh Lembaga dalam setiap satu hal.

7. (1) Tiap-tiap perbadanan hendaklah mempunyai suatu meterai perbadanan, yang hendaklah mengandungi suatu tanda sebagaimana yang diluluskan oleh perbadanan itu dengan kelulusan Lembaga, dan meterai itu boleh dari semasa ke semasa dipecahkan, ditukar, diubah dan dibuat baharu oleh perbadanan itu dengan kelulusan Lembaga.

(2) Sehingga suatu meterai diadakan oleh sesuatu perbadanan di bawah perenggan ini, suatu cap yang mengandungi perbadanan itu bolehlah digunakan sebagai meterai perbadanan.

(3) Meterai perbadanan, atau cap yang disebut dalam subseksyen 7(2), hendaklah berada dalam jagaan orang yang diarahkan oleh perbadanan dan hendaklah disahkan oleh orang itu, dan segala surat ikatan, dokumen dan surat cara lain yang berupa sebagai dimeterai dengan meterai tersebut, dan yang disahkan seperti yang disebut terdahulu hendaklah, sehingga dibuktikan sebaliknya, disifatkan telah disempurnakan dengan sah.

(4) Apa-apa dokumen atau surat cara, yang jika disempurnakan oleh seseorang yang bukan pertubuhan perbadanan tidak akan dikehendaki supaya dibuat di bawah meterai sebagaimana yang disempurnakan oleh perbadanan.

(5) Meterai tiap-tiap perbadanan hendaklah diberi pengiktirafan rasmi dan kehakiman.

Diluluskan di dalam Dewan Undangan Negeri pada  
20 Ogos 2015 bersamaan 5 Zulkaedah 1436.  
[PSU(K) 2704/1396 Jld. 2]

HAJI IQBAL BIN AHMAD  
*Setiausaha Dewan Undangan Negeri  
Kedah Darul Aman*

**ENAKMEN LEMBAGA ZAKAT KEDAH DARUL AMAN 2015**  
**PENETAPAN TARIKH PERMULAAN KUAT KUASA**

PADA menjalankan kuasa yang diberikan oleh subseksyen 1(2) Enakmen Lembaga Zakat Kedah Darul Aman 2015, Kebawah Duli Yang Maha Mulia Sultan menetapkan **31Disember 2015** sebagai tarikh Enakmen itu mula berkuatkuasa.


Bertarikh **31 Disember 2015**  
[Bil(30) ZAKAT 60/70 Jld. 6]



YANG TERAMAT MULIA DATO' SERI  
DIRAJA TAN SRI TUNKU  
SALLEHUDDIN IBNI ALMARHUM  
SULTAN BADLISHAH, S.H.M.S., S.S.D.K.,  
P.S.M., D.S.D.K., P.A.T., B.C.K., K.P.K,  
(Tunku Temenggong Kedah)  
Ahli Jemaah Pemangku Sultan Kedah  
merangkap Pengurusi



YANG TERAMAT MULIA DATO' SERI  
DIRAJA TAN SRI TUNKU ABDUL  
HAMID THANI IBNI ALMARHUM  
SULTAN BADLISHAH, S.H.M.S., S.S.D.K.,  
P.S.M., D.S.D.K.  
(Tunku Laksamana Kedah)  
Ahli Jemaah Pemangku Sultan Kedah



YANG TERAMAT MULIA DATO' SERI  
DIRAJA TAM SRI TUNKU PUTERI  
INTAN SAFINAZ BINTI TUANKU  
ABDUL HALIM MU'ADZAM SHAH  
D.K.H., D.K.Y.R., S.H.M.S., S.S.D.K., P.S.M.,  
P.A.T., J.P., Hon.Ph.D (UUM), Hon.Ph.D  
(KUIN)  
(Tunku Panglima Besar Kedah)  
Ahli Jemaah Pemangku Sultan Kedah